



Broj: 01/3-50-3-3-10/21  
Sarajevo, 1. 2. 2021.

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 16-02-2021			
Organizacione jedinica	Klasifikaciona oznaka	Redni broj	Broj priloga

## ZAPISNIK

### 10. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 1. 2. 2021.

Sjednicu Komisije za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) sazvao je Dragan Bogdanić, predsjedavajući Komisije.

Sjednica je počela u 10.00 sati.

Sjednici su prisustvovali: Dragan Bogdanić, Mijo Matanović, Šemsudin Mehmedović, Edin Mušić, Zukan Helez i Damir Arnaut.

Sjednici Komisije opravdano nisu prisustvovali: Mirko Šarović, Nenad Stevandić i Enver Bijedić.

Sjednici je prisustvovala direktorica Izvozno-kreditne agencije BiH Lamija Kozarić-Rahman.

Sjednici su, također, prisustvovali: Mirjana Crnjak, sekretarka Komisije za vanjsku trgovinu i carine, Enver Bogučanin iz Odjela za informiranje u Sektoru za odnose s javnošću Sekretarijata Parlamentarne skupštine BiH i Kristina Milošević, stručna savjetnica u Komisiji za vanjsku i trgovinsku politiku, carine, saobraćaj i komunikacije Doma naroda PSBiH.

Predsjedavajući Komisije Dragan Bogdanić otvorio je 10. sjednicu Komisije i konstatirao da postoji kvorum, jer sjednici prisustvuje šest od ukupno devet članova.

Predsjedavajući Komisije pročitao je predloženi dnevni red 10. sjednice. Budući da nije bilo izmjena ni dopuna dnevnog reda, predsjedavajući Komisije konstatirao je da 10. sjednica ima sljedeći

## DNEVNI RED

1. Usvajanje Zapisnika 9. sjednice Komisije;
2. Razmatranje Informacije o trenutnom stanju u Izvozno-kreditnoj agenciji BiH uzrokovanom blokadom glavnog transakcijskog računa, podnosilac: Izvozno-kreditna agencija BiH, broj: 01,02-50-18-81/21 od 6. 1. 2021;
3. Razmatranje Izvještaja o radu Komisije za vanjsku trgovinu i carine za 2020. godinu

- (član 32. stav (2) Poslovnika Predstavničkog doma);
4. Prijedlog orijentacionog radnog plana Komisije za vanjsku trgovinu i carine PD za 2021. godinu;
  5. Tekuća pitanja.

#### **Ad. 1. Usvajanje Zapisnika 9. sjednice Komisije**

Na Zapisnik 9. sjednice Komisije nije bilo primjedbi te je **jednoglasno** usvojen.

#### **Ad. 2. Razmatranje Informacije o trenutnom stanju u Izvozno-kreditnoj agenciji BiH uzrokovanom blokadom glavnog transakcijskog računa, podnosilac: Izvozno-kreditna agencija BiH, broj: 01,02-50-18-81/21 od 6. 1. 2021.**

Prije uvodnog izlaganja predsjedavajućeg Komisije Dragana Bogdanića za ovu tačku, sa sjednice je otišao član Komisije Damir Arnaut zbog drugih obaveza, a Komisija je nastavila rad jer je imala kvorum.

Predsjedavajući Komisije Dragan Bogdanić podsjetio je na to da je Izvozno-kreditna agencija BiH 6. 1. 2021. podnijela Vijeću ministara BiH i Parlamentarnoj skupštini BiH Informaciju o trenutnom stanju u Izvozno-kreditnoj agenciji BiH uzrokovanom blokadom glavnog transakcijskog računa.

Kolegij Predstavničkog doma Parlamentarne skupštine BiH je na 32. sjednici, održanoj 13. 1. 2021, nadležnom za razmatranje Informacije o trenutnom stanju u Izvozno-kreditnoj agenciji Bosne i Hercegovine uzrokovanom blokadom glavnog transakcijskog računa, čiji je podnosilac Izvozno-kreditna agencija BiH, odredio Komisiju za vanjsku trgovinu i carine Predstavničkog doma Parlamentarne skupštine BiH.

Izvozno-kreditna agencija BiH je 29. 1. 2021. dostavila Vijeću ministara BiH i Parlamentarnoj skupštini BiH Dopunu informacije o trenutnom stanju u Izvozno-kreditnoj agenciji Bosne i Hercegovine, uzrokovanom blokadom glavnog transakcijskog računa, u kojoj je Upravni odbor IGA-e predložio rješenja za nastavak rada i funkcioniranje IGA-e kao i sljedeće zaključke:

1. **Da se osigura pravna pomoć IGA-i** kako bi mogla zaštititi i braniti svoje interese u nadolazećim sudskim sporovima zaduživanjem Pravobranilaštva BiH ili angažiranjem advokatske kuće.
2. **Izvršiti hitna deblokada računa, putem usvajanja izmjena i dopuna Zakona o osnivanju IGA-e**, ili izmirenje obaveza po osnovu sudske presude iz budžetskih sredstava čime bi se deblokirao račun i osiguralo ponovno funkcioniranje IGA-e koja je do sada na osnovu svojih poslovnih aktivnosti bila u mogućnosti redovno servisirati obaveze.
3. **Uspostaviti Međuministarsko vijeće**, na osnovu Zaključka Vijeća ministara BiH broj: 05-07-1-1527-22/18 od 5. 6. 2018. i u skladu s članom 15. Zakona o osnivanju IGA-e.

4. **Potrebno je formirati radnu grupu** koju će činiti predstavnici Vijeća ministara BiH, vlada entiteta i IGA-e, a koja će raditi na daljnjim smjernicama za pronalaženje rješenja. To bi uključivalo rad na dodatnim izmjenama i dopunama Zakona o osnivanju IGA-e, pitanja vezana za: nadzor nad radom Agencije, organizaciju i strukturu, način donošenja odluka o izloženosti po pojedinim proizvodima, definiranje pokrića gubitka i rasporeda dobiti, definiranje odnosa IGA-e i vlasnika (entiteta i države), jasno definiranje proizvoda koje će IGA implementirati a koji su potrebni izvoznici, te kapital s kojim će IGA-e raspolagati, i ostala pitanja vezana za njen nesmetan rad.

Zatim je riječ dao generalnoj direktorici IGA-e Lamiji Kozarić-Rahman koja je ukratko obrazložila trenutno stanje u IGA-i uzrokovano blokadom glavnog transakcijskog računa.

Nakon uvodnog izlaganja generalne direktorice IGA-e, predsjedavajući je otvorio raspravu. U raspravi su učestvovali: Šemsudin Mehmedović, Mijo Matanović, Dragan Bogdanić, Zukan Helez i Edin Mušić.

Nakon rasprave Komisija je jednoglasno usvojila navedenu informaciju i saglasna je sa zaključcima UOIGA-e koji su predloženi u dopuni informacije.

**Ad. 3. Razmatranje Izvještaja o radu Komisije za vanjsku trgovinu i carine za 2020. godinu (član 32. stav (2) Poslovnika Predstavničkog doma)**

Na predloženi Izvještaj o radu Komisije za vanjsku trgovinu i carine Predstavničkog doma PSBiH za 2020. godinu nije bilo primjedbi ni rasprave.

Komisija je jednoglasno usvojila Izvještaj o radu Komisije za vanjsku trgovinu i carine Predstavničkog doma PSBiH za 2020. godinu.

**Ad. 4. Prijedlog orijentacionog radnog plana Komisije za vanjsku trgovinu i carine PD za 2021. godinu**

Na predloženi Orijentacioni radni plan Komisije za 2021. godinu nije bilo primjedbi ni dopuna.

Komisija je jednoglasno usvojila svoj Orijentacioni radni plan za 2021. godinu.

**Ad.5. Tekuća pitanja**

U okviru ove tačke dnevnog reda nije bilo prijedloga, pa je predsjedavajući Komisije zaključio sjednicu.

Sjednica je završena u 11.00 sati.

**Sekretarka Komisije**

Mirjana Crnjak

**Predsjedavajući Komisije**

Dr. Dragan Bogdanić